

صاحبی، مدبری، مهری :



اسلامك نفعنه خادم مقالات
مع التثكر قبول ونشر اولونور
پازانك شخصيتي وکل، پازانك هميتي
نظره آيتير .
کين پازانك عايد قبول کورولور:
تاريخ ميراسيله (وج ايديلير .

عدد : ۲۳

نسخه سي ۱۵ غروشدن

مخفل

۱۳۳۸

علمی، ادبی، اجتماعی رشید بک
شهری مجموعہ در

۱۳۴۰ روضانه مخصوص نسخه

اداره خانه سي : آفند
ملا کوراني محله سنده مهر
سوقانده ۳ پوزولوخه

من کز نوژين :
باب عالی مجاد سنده (انعام
نجات) کتبخانه سي

آبونه بدلی :
سهلکي ۱۲۰ غروش
آلتی آلتی ۶۰
اوج آلتی ۳۰

جلد : ۲

مندرجات :

مخفل علمی و انتقادی : رمضان شریف و اوروج - طاهر المولوی . حمل مریم ، - اسکلیل محمد عاطف .
مصطفی شریف و تلاوت - حافظ احسان . دارالشفقه و شفقت اسلامیة - طاهر المولوی .
دارالحکمة ریاسته - بر عزیزه - طاهر المولوی .

مخفل تاریخی : مولویک مناقبتدن - فریدون نافذ . شیخ ابراهیم افندی - حسین و صاف - بابیلک - احسان
محمی . جنوبی هندستان مسلمانلری : موبلاهلر - سعیدی .

مخفل ادبی : نعت شریف - محی الدین رائف ، رباعی - طاهر المولوی . دوشوندم - عبدالعزیز مجدی . تشطیر
غزل حضرت مولانا - شیخ علی فقری . غزل - شیخ علی فقری . زاده تأثر - بکر خاکی .
بهاوی قارشیلارکن - عبدالباقی عزیز . ایضاح و توضیح ، مدارسده مولد شریف قرانی .

دینہ استانبول قادیان بریلینی چیکہ بلر ؛ علاناً
 بیوب ایچمک جراثی - باخود نزا کنسز انکی
 دینہ لم - کو ستر مشدی . لکن کچن سنہ نک رمضانده
 اکثریت - ملک انباہیلہ لہ الحمد اوکی آدابہ منافق
 حالک وقوعی کورولہ دی . ان شاء اللہ توفیق باری
 ایلہ بو سنہده اولہ یابیلیر وادروج بمکله افتخار
 ایتمک - دینہ اہمیت ویریلز سہ بیلہ - اجتماعی
 نزا کتلہ قابل توفیق اولما یا حق معاییدن بولون دینی
 ہرقفاجہ آکلا شیلیر .

ظاہر المرلوی

حمل مریم

عمر رضا واسماعیل حق بکترہ خوب
 حضرت مریمک سبب حملی آکلامق قرآن
 کریمک بو بادمہ کی آیات جلیلہ لرینی آکلامقہ توقف
 ایلدیکی ایچون اولاسورہ مریمک بو خصوصہ کی
 آیتلرینی نقل و ترجمہ ایدم :

(کتابدہ مریمک قصہ سنہ ذکر ایت او طالعہ سندن
 شرق جہشده بر مکامہ چکلندی کندیسیلہ آنلرک
 آرمہ سنہ بردہ قوبدی . او حالده ایکن بز آکا
 روحزی کوندر دک . روح ، یعنی جبرائیل تام الحلقہ
 بر کوزل بشر صورتہ نمل ایدہ دک آکا ظاہر
 اولویردی . مریم بن سندن اللہ صبیغیریم .
 اگر مؤمن متقی ایسہک دیدی .

روح ، بن آنجق ربک رسول امینی یم . اللہ
 تعالی نک سکا ظاہر و صالح براوغلان باغیشلادیغنی
 سویلہ مک ایچون کوندرلدم دیدی . بوکا جواب
 اولہرق حضرت مریم (قالت انی یکون لی غلام
 ولم یمسسنی بشر ولم اک بغیاً) نہ مشروع ، نہدہ
 غیر مشروع صورتدہ بکا بشر تماس ایتمدیکی حالده
 فصل بنم او غلم اولہ یابیلیر ، یعنی عادت السہ مقتضاسی
 اوزرہ جو جق آنجق بو ایکی طریقدن بری ایلہ

فرائض مکثوبہ آراسندہ اوروجک بر موقع
 مستثناسی واردہ . بر حدیث قدسی دہ اوروج
 بنم ایچیندر واونک مکفاتی ویرہ جک بنم ، بو بور
 لمشدہر . حسنات انسانیہ مقابلندہ یدنی بوزہ قدر
 اجر معنوی ویریلہ چکی معلوم ایکن اوروجک مکفاتی
 بو مقدارک فوقندہ وبالذات اللہک جود وکرمنہ
 یاقیشاجق بر درجہده اولاجنی آکلا شیلیمقددر .
 کذا واوروج طوتانک بری افطار وقتندہ ، دبکری
 اللہنہ ملاقی اولدینی آندہ ایکی نشوہ سی واردہ ،
 مآلندہ بر حدیث شریف مرویدر .

صائمیک افطار وقتندہ کی ذوق و نشوہ سی ؛
 اوروج طوتان ہر مسلمان بیلیر کہ :

اونک کیفیتی تعریف اولونماز ذوقہ عائددر
 دنیادہ بوقدر روحانی بردوق حصولہ کتیرن
 اوروجک لقای الہی آندہ نہ درجہلردہ مسرتبخش
 اولاجقنی دوشونمہ لی و بونی ؛ اوکا فوق الحد افاق
 بر مقیاس عد ایتمہ لیدر .
 حضرت مولانا :

دیدی ہنر خوردن بنکر ہنر روزہ
 بو بورور کہ : بمکک ہنرینی کوردک ، بردہ
 اوروجک ہنرینہ باقی دیمکدر .

ذوق صیامی طامامش ، باخود اول الہی نشوہی
 اونوش اولانلر ؛ تجربہ مقصدیلہ اولسون برقاج
 کون اوروج طوتو ویرلر و حال صوملرندہ کی
 احسنا سیرینی طوغرو سویلہ مہیہ نیت ایدرلر نہ
 اوبرقاج کونلک اوروجک بیلہ کندیلرندہ کی تأثیر
 اصلاحکاری سنی اعترافہ مجبور اولورلر .

حرب عمومینک ظہوریلہ ہر ایشہ شیطان
 پارماغی قاریشدینی ، ہر شینک آلت اوست اولدینی
 زمانلردہ اوروجہ واوروج طوتانلرہ ایفاسی
 لازم کلن حرمتدہ پایمال ایدیلش و ہر برلک واردہ

اولور . حالوکه بولردن هیچ بریدی بنده واقع اولدی دیه اظهار تعجب ابتدی .

روح (کذلک = دیدی که او یله در، یعنی حال سنک دیدیک کیدر : چوجق اولق ایچون معتاد طریقدن هیچ بری سنده واقع اولمیشدر) فقط قال ربک هو علی هین = ربک بیوردی که خارق العاده چوجق خلقی آنجق بکا قولاید . یز بونی ناسه عبرت، قدرتمزه برهان، مؤمنلره طرفزدن رحمت قیلحق ایچون یابدق . وکان امرامقضا = عیسی نک بویله جه خلقی مقرر ایدی (محاوره نی متعاقب (فحمله = مریم غیبی به حامله اولدی)

شیمدی قرآن کریم فقط نظرندن حمل مریمک سینی تدقیق ونجری ایدم :

حمل مریم یا بشر طرفندن ویا قدرت الهیه ایله وقوعبولش اولمقدن خالی دکلد . بشر طرفندن وقوعی یا مشروع ویا غیر مشروع صورته اولمقدن خالی اولماز . حالوکه هرایکی صورته اولکی احتمالی قرآن کریم متعدد آیتلر ایله نفی ایدیور .

اولا — سورة مریمک (قال کذلک قال ربک هو علی هین) نظم جلیلی حضرت مریمک سؤاله جواب اولق اوزره سوق اولندی و سوال جوابده داخل بولندی ، ضمیر مریمک ، اسم اشارت مشارالیهک عینی اولدی جهته حمل مریمک بشر ایله اصلاً تماس ایتمکسزین وقوعبولش اولدیغه آیت جلیله بالعبارده مطابقة دلالت ایدیور .

ثانیاً — (قالوا یا مریم لقد جئت شیئاً فریاً یا اخت هرون ما کان ابوک امرأه و ما کان امک بغیا = قومی ، ای مریم . سن عجیب برشی ایله کلدک . ای هارونک قیز قارده شی ؛ باباک فنا آدم دکلدی . آناکده فاحشه دکل ایدی دیدیلر) آیت جلیله سنده قومنک حضرت مریمکی بو صورته اتهاملرینه باقیلیرسه مریمک حلی ، مشروع برزوج

طرفندن اولمندی آکلاشیلیر . زیرا زوج مشروعی بولنسه یدی قومنک آتی قاتلقه اتهامه حقلمی اولمازدی .

شونی ده بیان ایدیم که : حضرت مریمک ، قومی نزدنده غیر معروف مشروع برزوجی اولق احتمالی ده یوقدر . زیرا بو خصوصده تاریخی برقل وارد اولمقدن بشقه بویله برزوجی بولنش اولسه یدی قومنک اتهاملری ازاله ایچون (بشیکده کی چوجقه سوریکیز او سزه جوانی ویرر) دیه خارق العاده بر دلیله مراجعت ایتمیوبده (فلان آدم بنم زوج مشروهمدر . بو چوجق آندن اولمشدر . بو خصوصده بی اتهامکیز حقملق واقترادر) دیه برائتی اثبات ایدردی .

وزوجی فرض اولسان ذاتده (مریم بنم زوجة مشروعه مدر ، بو چوجق بتدن اولمشدر . سز بهتان واقتر ایدیورسکیز) دیه رک قومنک اتهاملری رد ایدردی . ویا ازدواج مفروضه شاهد اولانلر ایله اشهاد اولنوردی .

بناءً علیه عقلاً جواز وقوعی ، تاریخی ثبوتی بولنمیان ودلیلدن نشأت ایتمیان بر وهمه حقیقت سوسی ویرمرک (۱۹۲۲) سنه مقدم بر وقعه نک تاریخی اختراعه قالمشق قدر ضلالت فکریه واوهام وخیالات ایله اشتغال تصور اولمه ماز . ثالثاً — (ولم اک بغیا) ، (والی احصنت فرجها) آیت جلیله لر یله حضرت مریمک بشر ایله مناسبت غیر مشروعه ده بولنمیوب غیفه اولدی صراحة بیان بیورلدیغه نظرراً حلی ، غیر مشروع بر سببه عطف ایدمک احتمالی ده یوقدر . برده سورة نساءک (۱۵۵) نجی (وبکفرهم وقولهم علی مریم بهتاناً عظیماً = باباسز چوجق خلقنه قدرت الهیه بی انکار ایله الله تعالی به کفر ایتملی وقذف زنا ایله مریمه بهتان عظیمده بولنملری

قدرت و تکوین الهی در عبارت اولادینی تعین
ایتمش اولور .

حمل مریمده تمام بشرک و تکوین عیسی ده
نطفه ایلک دخل و تأثیری بولمیبو مجرد قدرت
الهییه نك فنج صورتنده تجلی سبيله ماء مریمدن
عیسی خلق اولندی ایچون قرآن کریمده مشارالیه
حضرتلرینک خلقی قدرت و تکوین الهییه مضاف
قلنمشدر .

بناءً علیه قوم یهود ایله اسماعیل حق بکک
زعم ایلدکلری کبی حضرت عیسی نك ابن بشر
اولمیبو صرف قدرت و تکوین الهی ایله باباسز
دنسیاه کلش اولدینی آیات جلیله مذکورده نك
بیانات عالیله صورت قطعیه ده ثابت اولمش اولور .
سابقاً بیان اولندی اوزره حضرت مریمه
ارسال اولتان رسول و ملک جنسندن اولوب ملکک
ایسه خلقة ذکورت و انوثت ایله اتصافی بولمیدی
ایچون ملکک حضرت مریمه مقارنتی مستحیل اولقله
حضرت عیسی نك ابن ملک اولمق احتمالی ده یوقدر .
ابن الله اولدیغی انبیا کلتجه : معنای حقیقیسنجه
ولادت صحیح اوله بیلیمک اساساً بابا اوله حق ذات
ذی شهوت اولوب وقاع نتیجه سنده آنک صلبندن
ماده بشریه نك رحم مادره انتقالیه تلقیحک حصوله
متوققدر .

حالبوکه واجب تعالی حضرتلری جسمیتندن ،
دوغمق ، دوغورمق ، ذی شهوت اولمق ، صاحب
اتخاذ ایلک وسائر کبی احوال و اوصاف حادثه
جسمانیه دن منزله اولدینی ایچون حضرت عیسی نك
باباسی اولمق امکان و احتمالی یوقدر . بناءً علیه
حضرت مسیحک باباسز دنسیاه کلسندن ابن الله
اولمی لازم کلز . اوله اولسه یدی باباسز ، آتاسز
اوله رق طویراقدن خلق اولتان آدم علیه السلامک
دها اول ابن الله اولمی لازمکلیدی .

سبيله قوم یهود انواع عقوبته دوچار اولدیلر)
آیت جلیله سبيله حمل مریمک غیر مشروع بر سبيله
عطفی بهتان عظیم و افترا اولدینی صراحةً بیان
یوریلهرق برائت و عصمتی اعلام ایدلمش اولور .
هنوز بشیکده طفل ایکن حضرت عیسی نك تکلمی
واک عالی بر مضمون افاده بیورمسی کبی معجزات
باهرہ نك ظهوری حضرت مریمک هر نوع رب
و شبهه دن برائتته دلائل قاطعه اولدینی ایچون
یهودی لک مشارالیه حضرتلرینه طعنلری بهتان
عظیم ایله توصیف بیورلمشدر .

زمانمزده حضرت مریمه غیر مشروع بر فعل
اسنادی ایسه عظیم بر افترا و بهتان اولاقدن بشقه
قرآن کریمی ، الله تعالی بی ، حضرت بیغمبری
تکذیب اولمش اولور . بویه بر تکذیبه محاسرت
ایدنلرک دائره اسلامیتدن خروج ایدوب دیانت
اسلامیه ایله قطع علاقه ایتمش اولدکلری شبهه سزدر .
بناءً علیه آیات جلیله مذکورده نك هیئت
مجموعه سی حمل مریمک هیچ بروجهله بشر طرفندن
وقوع بولمدیغه و مشارالیه حضرتلرینک باکره
اولدیغه صورت قطعیه ده دلالت ایتمکده در .

شو حالده سورہ نساک (و کلمته القاها الی
مریم = عیسی اللهک (کن) کلمه امریه سبيله مریمه
القا ایلدیکی مخلوقیدر) و سورہ انبیانک (والقی
احصنت فرجها فنفخنا فیها من روحنا = مریمی
ذکر ایت که مشروع و غیر مشروع صورتده
تمام بشردن او کندیسنی صیانت ایتدی . بزده
آکا روحزدن فنج ایلدک) آیت جلیله لريله : رحم
مریمه فنج ایله حضرت عیسی بی تکوین ایلین
بالذات الله تعالی حضرتلری اولدینی صراحةً
بیان بیورلدیغه نظر آمل مریمک وجود عیسی نك
سبب حقیقیسی آنحق فنج صورتنده تجلی ایلین

مصحف شریف

برده (اسمه المسیح عیسی ابن مریم) و (انما المسیح عیسی ابن مریم رسول الله) آیت جلیله لایله آتیه نسبت اولدیفنه و (انی عبدالله) نظم جلیلی ایله ده عبودیتی اقرار ایلدیکی بیان بیوردیفنه نظراً حضرت عیسی مریمك اوغلی ، الله تعالی نك قولى ورسولیدر .

خرستیانلرك حضرت عیسی نك ابن مریم اولدیفنی قبول ایله مشارالیهما حضراتی (الهمین) اتخاذ ایتملی عظیم بر تضاد و تناقض تشکیل ایدر . چونکه حضرت مریمه آنالقی ثابت اولنجه اله اولسی باطل اولور ، زیرا الموت ، الوهیت مانع در . حضرت عیسی نك مریمك اوغلی تحقیق ایدنجه آنك ده اله اولسی محال و باطل اولور . زیرا بشقه نك اوغلی اله اوله ماز .

جناب الله ایسه بالاده بیان اولندی اوزره ابوت و بنوتدن منزه در . شو حالد حضرت عیسی نك نه ابن الله ، نه ده اله اولقی امکان و احتمالی یوقدر . بناء علیه خریستیانلرك مشارالیه حضرتلری حقده کی ابن الله و اله اعتقادلری باطل و مردودر . نتیجه اولقی اوزره شونی ده عرض ایدیم که : آیات جلیله قرآنیه نك صراحت قطعی سی خلافت اوله رق حضرت مریمك بر انسان کاملدن حامله اولدیفنی و یا حضرت عیسی نك بابا سی بولدیفنی قبول و اعتقاد ایتمکه قرآن کریمه ایمان ایلمك بر قلبه اجتماع ایدم من . زیرا بو حال ، کتاب اللهم بر قسمی قبول ایدوب ده دیگر قسمی انکار ایتمك دیمکدر که هیچ ایمان ایتمه مکله میا ویدر . آنک ایچون اسماعیل حق و عمر رضا بککرك بو مسئله ده تصحیح اعتقاد ایتملری و فیابعد خلاف نص و من اوله رق مجرد عقل و رأی لری ایله قرآن کریمی تفسیر و یا تأویل مجاسرت ایتمه ملری خالصانه توصیه ایلرم .

اسکلیل محمد عارف

بوز اون دوت سورة جلیله بی حاوی اولان قرآن مبین : تبلیغ و تبلیغ و تنبیت و حفظنده ، یعنی از بر ایلمسند . سهولت اولقی اوزره بی ذیشان اقدمز حضرتلرینه یکرمی ، یا خود یکرمی اوچ سنه ظرفنده بعضاً آیت آیت ، بعضاً ده سورة سورة نازل اولمشدر . آیات جلیله فم سعادتدن صادر اولدجه اصحاب کزین طرفندن قلماً ضبط اولنور و امر عالی نبوی اوزره صریحه قانون و از بر ایدلوردی . فخر کائنات اقدمز حضرتلرینك ارتحالندن سکره حضرت ابوبکر اوراق متفرقه بی جمع و تحریر ایتدیردی . مجموع قرآن کریم صحیفه صحیفه اوله رق نزد خلیفه ده قالدی . ارتحاللرند عمر الفاروق حضرتلرینه انتقال ایدوب مشارالیهک دخی ارتحاللرند کریمه لری ام المؤمنین حضرت حفصه به تودیع اولندی . حضرت عثمان خلافتلرند حضرت حفصه نزدنده کی صحف شریفه قرآنیه بی کتیردوب استنساخ ایتدیردک اصللری ینه حضرت حفصه به اعاده ایلدی . حضرت عثمانک یازدیردنی قرآن کریم کتاب شکلنی آملقه «مصحف» دینلیدی که صحیفه لک بریره کلشی دیمکدر . مشارالیه آندن متعدد مصحف یازدیرد رق ممالک اسلامییه کوندردی . ایلمک یازیلان مصحف شریف مدینه منوره ده قلوب رسم خطده دیگرلرینه اساس اتخاذ اولندی . رسم عثمانی دینیلان رسم خط او مصحف عثمانیک رسم کمانیدر . قرآن کریمی فقط لایان حجاج دکل ، آنک عصری علما سندن قاضی یحیی بن یعمر در . قرآن کریمك اجزایه تقسیم و سور شریفه سی یالارینه اسملرینك و عدد آیاتنك و مکی ، یعنی قبل الهجره و مدنی ، یعنی بعد الهجره نازل اولدقلرینك تحریری محدندر .